

## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01/96  
Fax: 982 54 12 32 / 07  
E-mail: concello.paradela@eidolocal.es

### ORDENANZA MUNICIPAL DE VERTEDURAS E USO DO SISTEMA PÚBLICO DE SANEAMENTO EN BAIXA.

#### EXPOSICIÓN DE MOTIVOS.

O artigo 45 da Constitución española outorga a todos o dereito a gozar dun medio ambiente adecuado imponendo o deber xeral de conservalo. Obriga a taodos los poderes públicos a velar pola «utilización racional dos recursos naturais co fin de protexer e mellorar a calidade da vida e defender restaurar o medio ambiente, apoiándose na indispensable solidariedade colectiva»; establece que aqueles que violen o disposto anteriormente, nos termos que a lei fixe, serán sancionados, penal ou administrativamente, e estarán obrigados a reparar o dano causado.

O artigo 25 da Lei 7/1985, reguladora das bases do réxime local, establece que o municipio exercerá competencias, nos termos da lexislación do Estado e das Comunidades Autonomas, en diversas materias en relación co medio ambiente; o artigo 26 obriga aos municipios a prestar, en todo caso, por si ou asociados, entre outros, os servizos "... rede de sumidoiros...". Esta obriga prestacional vén así mesmo recollida no artigo 81 da Lei 5/1997, do 22 de xullo, de administración local de Galicia.

A Lei 14/1986, do 25 de abril, xeral de Sanidade, atribúe no seu artigo 42, competencia aos municipios en materia de depuración de augas residuais.

No uso da potestade normativa recoñecida polo artigo 4 da Lei 7/1985, reguladora das bases do réxime local e ao abeiro do previsto polos artigos 30, 33 e 34 do Regulamento de Servizos das Corporacións Locais; no marco da lexislación estatal nomeadamente o texto refundido da Lei de augas, aprobado por Real decreto lexislativo 1/2001, do 20 de xullo e da Lei 9/2010 de 4 de novembro de Augas de Galicia, o Concello de Paradela aproba a presente ordenanza xeral, co obxecto de regular o uso do servizo municipal de saneamento en baixa de augas residuais e as verteduras ao mesmo.

#### CAPÍTULO I. DISPOSICIÓN XERAIS

##### Artigo 1.- Obxecto.

A presente ordenanza ten por obxecto regular o uso do servizo público municipal de saneamento en baixa de augas residuais, integrado basicamente pola rede municipal de sumidoiros e estacións depuradoras de augas residuais, e fundamentalmente a producción de verteduras ao dito sistema.

##### Artigo 2.- Finalidades

A ordenanza reguladora de verteduras e uso do sistema público de saneamento en baixa dítase para contribuír a acadar as finalidades seguintes:

- Regular o uso e o control dos sistemas públicos de saneamento de xeito que se garanta o bo funcionamento das obras e equipos que os constitúen.

- Garantir mediante os tratamentos previos axeitados que as augas residuais industriais que se verten aos sistemas cumpran os límites establecidos nesta ordenanza e nos permisos preceptivos.
- Garantir que as verteduras das plantas de tratamiento, fosas sépticas e EDARs municipais, cumplen as esixencias establecidas na normativa vixente, para que non comporten efectos nocivos sobre o medio receptor e a saúde das persoas.
- 

### **Artigo 3.- Ámbito de aplicación**

A presente ordenanza aplícase ás verteduras de augas residuais de calquera orixe que se produzan á rede de sumidoiros municipal do Concello de Paradela.

### **Artigo 4.- Definicións**

Aos efectos desta ordenanza, enténdese por:

- a. Sistema público de depuración de augas residuais urbanas: conxunto de bens de dominio público constituído polas estacións depuradoras de augas residuais, as estacións de bombeo, e as redes de colectores xerais asociados.
- b. Redes de colectores xerais: aquelas instalacións que discorren desde os puntos de entronque das redes de sumidoiros, conducindo directamente (por gravidade ou por bombeo) as augas residuais recollidas ata a estación depuradora.
- c. Sistema público de saneamento en baixa: o conxunto de bens de dominio público constituído pola redes municipais de sumidoiros e as demais instalacións que, de acordo coa vixente normativa en materia de réxime local, son de competencia municipal.
- d. Augas residuais urbanas: as augas residuais domésticas ou a mestura delas coas augas residuais non domésticas e/ou con augas de escorrentía pluvial.
- e. Augas residuais domésticas: as augas residuais procedentes dos usos particulares das vivendas, xeradas principalmente polo metabolismo humano e as actividades domésticas non industriais, comerciais, nin agrogandeiras.
- f. Augas residuais non domésticas: as augas residuais vertidas desde establecementos nos que se efectúe calquera actividade comercial, industrial, agrícola ou gandeira.
- g. Augas brancas: as augas que non foron sometidas a ningún proceso de transformación de xeito que a súa capacidade potencial de perturbación do medio é nula e que, polo tanto, non deben ser conducidas mediante os sistemas públicos de saneamento. As augas pluviais terán carácter de augas brancas ou de augas residuais urbanas en función do seu percorrido de escorrentía.
- h. Usuarios domésticos: aqueles que verten augas residuais domésticas, na definición da letra e) anterior.
- i. Usuarios non domésticos: aqueles que verten augas residuais non domésticas, na definición da letra f) anterior.



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfn: 982 54 11 01/96  
Fax: 982 54 12 32 / 07  
E-mail: concello.paradela@eidolocal.es

## CAPÍTULO II. UTILIZACIÓN DO SISTEMA DE SANEAMENTO EN BAIXA

### Artigo 5.- Condicóns previas para a conexión

Para a conexión dun usuario ao sistema público de saneamento en baixa é necesario que a rede se atope en servizo e que a vertedura do usuario cumpra as condicóns establecidas nesta ordenanza.

### Artigo 6.- Requisitos e características básicas da acometida ao sistema

O Concello de Paradela establecerá os requisitos e características físicas das acometidas ao sistema de augas residuais non domésticas, respetando o seguinte contido mínimo:

- Plano da rede de desague do interior do edificio en planta e alzada, a escalas respectivas 1:100 e 1:50, detallando expresamente os sifóns xerais e a ventilación aérea.
- Descripción das disposicións e dimensións axeitadas para un correcto desague, especificando o material, diámetro e pendente lonxitudinal.
- Instalación dun sifón xeral en cada construcción ou instalación onde se produzan augas residuais non domésticas, para evitar o paso de gases. Entre a acometida da conducción e o sifón xeral do edificio dispoñerase dunha tubería de ventilación, sen sifón nin peche, á que poderán conducirse as augas pluviais sempre que, respetando a ventilación, os puntos laterais de recollida estean axeitadamente protexidos por sifóns ou reixas antimúridos.
- Todo establecemento que verta augas residuais non domésticas deberá ubicar, antes da conexión ao sistema e en todas e cada unha das conexións que posúa, unha arqueta de rexistro libre de calquera obstáculo e accesible en todo momento aos servizos competentes para a obtención de mostras e medición de caudais.
- Na devandita arqueta deberá dispoñerse, cando o permiso de vertedura así o estableza, dun elemento de aforo cun rexistro totalizador para a determinación exacta do caudal do efluente vertedura. Cando os volumes de auga consumida e os volumes de auga vertida sexan aproximadamente os mesmos, a medición da lectura do caudal de auga de abastecemento poderá utilizarse como aforo do caudal vertedura.
- Os establecementos deberán procurar a unificación das verteduras xeradas polos procesos productivos e, ao mesmo tempo, respetarán as redes separativas, cando existan, de xeito que non poidan verter as augas pluviais na rede interna de augas residuais, e viceversa.
- As obras de acometida ao sistema de saneamento están suxeitas ás prescripcións da normativa urbanística que resulte aplicable.

- Tódolos gastos derivados das actuacións de conexión ao sistema, así como os da súa conservación e mantemento, serán a cargo do usuario.
- As acometidas de verteduras domésticas deberán executarse, logo da autorización regulada no artigo 7 desta ordenanza, por instalador autorizado e baixo a supervisión de persoal municipal.

#### **Artigo 7.- Condicóns para a utilización do sistema público de saneamento.**

Quedan obrigados a obter permiso de vertedura ao sistema público de saneamento, a respetar as prohibicións e limitacións establecidas nos anexos I e II, respectivamente, desta ordenanza os seguintes usuarios:

- a. Os usuarios non domésticos cuxa actividade estea comprendida nos correspondentes epígrafes da vixente CNAE-2009, equivalentes aos epígrafes C, D, E, F e H do CNAE-93, segundo os cadros de equivalencias entre a CNAE-93 e a CNAE-2009 elaborados polo Instituto Nacional de Estatística.
- b. Os usuarios cuxa vertedura sexa superior a 3.000 metros cúbicos anuais, ou ben aqueles cun volume de vertedura inferior pero que orixinen contaminación especial nos termos do artigo 40.4 da Lei 8/1993, do 23 de xuño, reguladora da Administración hidráulica de Galicia.

O resto de usuarios cuxa actividade xenere augas residuais domésticas quedan suxeitos ás regulamentacións que dicte o Concello, e en todo caso ás prohibicións establecidas no anexo I desta ordenanza. Nestes supostos, con carácter xeral, a sinatura do contrato de abastecemento de auga levará consigo a autorización de acometida a rede de sumidoiros e a alta do usuario neste servizo.

#### **Artigo 8.- Prohibicións e limitacións**

Está prohibido:

- A vertedura ao sistema de saneamento das sustancias relacionadas no anexo I desta ordenanza.
- A dilución para acadar os niveis de emisión que permitan a súa vertedura ao sistema, agás nos supostos de emergencia ou de perigo inminente e, en todo caso, previa comunicación ao Concello.
- A vertedura de augas brancas ao sistema cando poida adoptarse unha solución técnica alternativa por existir no entorno da actividade unha rede separativa ou ben unha canle pública. Noutro caso, deberase obter un permiso específico do Concello de Paradela para realizar estas verteduras.

As verteduras non domésticas que conteñan sustancias das relacionadas no anexo II desta ordenanza deberán respetar as limitacións alí establecidas, sen que poida admitirse a dilución para acadar os devanditos límites.

#### **Artigo 9.- Permiso de vertedura**

O permiso de vertedura ao sistema público de saneamento en baixa outórgase polo Concello de Paradela aos usuarios indicados no artigo 7.

O outorgamiento do devandito permiso faculta aos mencionados usuarios para realizar verteduras de augas residuais ao sistema público de saneamento nas condicións que neles se establezan.



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01/96  
Fax: 982 54 12 32 / 07  
E-mail: concello.paradela@eidolocal.es

### Artigo 10.- Solicitud

Antes de efectuar ningunha vertedura de augas residuais ao sistema, os titulares das actividades indicadas no artigo 7 deben solicitar do Concello de Paradela o correspondente permiso de vertedura, e a estes efectos aportarán a documentación que se indica no anexo III desta ordenanza.

### Artigo 11.- Procedemento

O procedemento para a obtención do permiso de vertedura no caso de actividades comprendidas no ámbito de aplicación da Lei 16/2002, do 1 de xullo, de prevención e control integrados da contaminación, ou, no seu caso, na normativa de execución queaprove a Comunidade Autónoma de Galicia, será o establecido nas mencionadas normas.

Noutro caso, serán de aplicación as normas do procedemento administrativo común.

En ningún caso é posible a obtención do permiso de vertedura por silencio administrativo.

### Artigo 12.- Contido do permiso de vertedura

A resolución de outorgamento do permiso de vertedura ao sistema público de saneamento que dicte o Concello de Paradela incluirá, como mínimo, os seguintes extremos:

- Os límites máximos admisibles das características cualitativas da vertedura.
- Os límites cuantitativos do volumen da vertedura, indicando o caudal medio e o caudal máximo en metros cúbicos por hora, ou, no seu caso, por día.
- A obriga de instalar, no prazo máximo dun mes desde a notificación da resolución, unha arqueta que permita o aforo e a toma de mostras da vertedura.
- A obriga de instalar na devandita arqueta un elemento de aforo do caudal de vertedura, cando este e o caudal de abastecemento sexan diferentes.
- Duración do permiso.
- O permiso de vertedura ao sistema poderá, ademais, establecer limitacións, condicións e garantías en relación aos horarios de vertedura.
- Definición das instalacións de tratamento previo da vertedura que resulten necesarias para acadar as condicións impostas, e prazo de execución delas.
- No seu caso, excepcións temporais dos requerimentos do anexo II, sempre que se aprobe un programa que garanta o seu cumprimento nun prazo non superior a un ano desde a notificación da resolución; ou ben excepcións motivadas pola baixa saturación do sistema, tendentes a aproveitar ao máximo a súa capacidade de depuración, e sempre delimitadas no tempo e na carga.

- Realización de autocontroles por parte do titular do permiso, nos supostos de verteduras que comporten un risco elevado de impacto sobre o sistema de saneamento.
- As demás que estableza o Concello de Paradela.

En ningún caso o outorgamiento do permiso de vertedura pode comprometer a consecución dos obxectivos de calidade do medio receptor do efluente depurado do sistema de saneamento.

O contido e as prescripcións do permiso de vertedura que se outorgue a unha actividade incluída no ámbito da Lei 16/2002 do 1 de xullo, de prevención e control integrados da contaminación, integraranse na resolución que poña fin ao procedemento sinalado na devandita Lei.

A inspección, vixiancia e control do cumprimento das condicións do permiso de vertedura corresponde ao Concello de Paradela, como Administración xestora do sistema.

#### **Artigo 13.- Revisión do permiso de vertedura**

Sen prexuízo do disposto na Lei 16/2002, o permiso de vertedura ao sistema deberá revisarse cando se produza algúun cambio significativo na composición ou no volume da vertedura, cando se alteren sustancialmente as circunstancias do momento do seu outorgamento, ou cando sobreveñan outras que xustificarián a súa denegación ou o seu outorgamento en termos diferentes.

En todo caso, procederase á revisión do permiso:

- Cando a carga contaminante vertida por unha actividade resulte significativa en relación co total tratado polo sistema e poida dificultar a súa depuración nas condicións axeitadas.
- Cando o efecto aditivo de verteduras das mesmas características poida dificultar o tratamento do sistema nas devanditas condicións axeitadas.
- No caso de que a revisión comporte a modificación das condicións da vertedura ao sistema, o Concello de Paradela poderá conceder ao titular do permiso un prazo de adaptación que non excederá dun ano a contar desde a aprobación da revisión.

En ningún caso a revisión do permiso de vertedura comporta para o seu titular derecho a indemnización algunha.

#### **Artigo 14.- Revogación do permiso de vertedura**

O permiso de vertedura ao sistema poderá ser revogado nos seguintes supostos:

- Como consecuencia da revogación da autorización ou licenza que permita o desenvolvemento da actividade que causa a vertedura.
- Por incumprimento dos requisitos efectuados para adecuar a vertedura ás condicións establecidas no permiso.
- Como medida aparellada a unha sanción.



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01/96  
Fax: 982 54 12 32 / 07  
E-mail: concello.paradela@eidolocal.es

### Artigo 15.- Obrigas do titular do permiso de vertedura

O titular do permiso de vertedura debe cumplir as obrigas seguintes:

- Comunicar de xeito inmediato ao Concello de Paradela, ou no seu caso á concesionaria explotadora do sistema, calquera avería do proceso productivo ou das súas instalacións de pretratamento que poida afectar negativamente á calidade da vertedura ao sistema.
- Comunicar de xeito inmediato ao Concello de Paradela calquera circunstancia futura que implique unha variación das características cualitativas e/ou cuantitativas da vertedura, aos efectos de proceder, no seu caso, á revisión do permiso.
- Adaptar a súa actividade e as súas instalacións ás medidas e actuacións que resulten do plan de emerxencia e seguridade do sistema, unha vez sexa aprobado polo Concello de Paradela.
- Cando se produza unha descarga ao sistema debida a caso fortuito, o titular do permiso de vertedura está obrigado a:
- Comunicar a descarga ao Concello de Paradela, ou no seu caso á concesionaria explotadora do sistema, especificando a identificación e ubicación da actividade, hora e causa da descarga, caudal e materias vertidas e as medidas adoptadas.
- Adoptar as medidas necesarias para minimizar os efectos negativos e os danos que poidan ocasionarse ao sistema.
- 

### Artigo 16.- Censo de verteduras ao sistema

O Concello de Paradela levará un censo de verteduras ao sistema no que inscribirá as verteduras sometidos a permiso, e no que constarán, como mínimo, os seguintes extremos:

- Nome, enderezo, CNAE e NIF do titular do permiso
- Datos básicos do caudal de auga de abastecemento e de vertedura
- Condicións básicas do permiso
- Situación administrativa do permiso

O censo de verteduras estará a disposición da Administración hidráulica de Galicia e da Administración hidráulica do Estado.

### Artigo 17.- Vertedura mediante camións cisterna

Para efectuar verteduras ás instalacións de saneamento mediante vehículos cisterna será necesario que, sen prexuízo dos permisos ou autorizacións esixibles de conformidade coa lexislación aplicable en materia de residuos, o posuidor da vertedura obteña un permiso especial outorgado polo Concello.

Os verteduras mediante camións cisterna deberán respetar as prohibicións e limitacións establecidas nos anexos I e II desta ordenanza.

Exceptúanse das obrigas do apartado anterior as verteduras procedentes de foxas sépticas ou das limpezas dos sistemas públicos de saneamento, no referente aos parámetros DQO, DBO, MES, sulfuros, aceites e graxas, así como as diferentes formas de nitroxeno e fósforo contempladas no anexo II desta ordenanza.

En todo caso, a incorporación dos verteduras aportados por camións-cisterna pautarase de acordo coas indicacións ao respecto do responsable da estación depuradora, coa finalidade de evitar calquera alteración do proceso.

En ningún caso poderanse descargar camións-cisterna en estacións depuradoras que se atopen saturadas en canto á carga contaminante a tratar.

Tódolos verteduras de camións-cisterna deberán figurar nun rexistro a cargo do Concello de Paradela, ou no seu caso da compañía explotadora do sistema, no que constarán, polo menos, a identidade do transportista, o volume descargado e a súa procedencia.

## **CAPÍTULO III. INSPECCIÓN E CONTROL**

### **Artigo 18.- Función inspectora**

A función inspectora corresponde ao Concello de Paradela, en tanto que Administración xestora, respecto das instalacións ao seu cargo, e exércea:

Directamente, a través dos seus propios órganos que teñan atribuídas as funcións inspectoras.

Por medio de empresas ou profesionais colaboradores contratados ao efecto ou debidamente acreditados.

### **Artigo 19.- Obxecto e inicio da inspección**

Poden ser obxecto de inspección as actividades ou instalacións cuxos verteduras poidan afectar ao sistema de depuración de augas residuais ou ao sistema de saneamento en baixa.

A actuación inspectora iniciase:

De oficio, ben sexa por iniciativa do órgano competente ou por orden superior. Por propia iniciativa do persoal inspector, cando aprecie un posible incumprimento das normas reguladoras dos verteduras. En virtude de denuncia.

### **Artigo 20.- Dereitos do persoal inspector.**

No exercicio da súa función, o persoal inspector poderá:

- Acceder ás instalacións que xeran verteduras de augas residuais ou que poidan supoñer un risco de afección ás infraestruturas públicas, incluíndo o acceso á propiedade privada, sempre que non constitúa domicilio das persoas.
- Efectuar notificacións e realizar requirimentos de información e documentación ou de actuacións concretas para a adecuación e mellora das verteduras de augas residuais.
- Proceder á toma de mostras de augas residuais e, no seu caso, de augas de proceso.



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01 / 96  
Fax: 982 54 12 32 / 07  
E-mail: concello.paradela@eidolocal.es

- Proceder á toma de fotografías ou outro tipo de imaxes gráficas, sen prexuízo do dispuesto na vixente normativa sobre segredo industrial.
- Levar a cabo calquera outra actuación tendente a averiguar a orixe das verteduras, o seu grao de contaminación e a súa afección sobre os sistemas de saneamento.
- 

### **Artigo 21.- Deberes do persoal inspector.**

O persoal inspector está obrigado en todo momento a:

- Observar o respeito e consideración debidos ás persoas interesadas, previa identificación e acreditación da súa personalidade.
- Informar aos interesados, cando así sexan requiridos, dos seus dereitos e deberes en relación cos feitos obxecto da inspección, así como das normas que deben cumplir os titulares das verteduras.
- Obter toda a información necesaria respecto dos feitos obxecto de inspección e dos seus responsables, accedendo, se é necesario, aos rexistros públicos existentes.
- Gardar sixilo profesional e observar segredo respeito dos asuntos que coñeza por razón do seu cargo e actividade pública.

### **Artigo 22.- Desenvolvemento da actividade inspectora**

Cando o inspector se persoee no lugar no que radiquen as instalacións a inspeccionar poñerá en coñecemento do seu titular o obxecto das actuacións, previa identificación mediante exhibición do documento que lle acredite para o exercicio das súas funcións inspectoras, no que constarán a súa adscrición ao Concello de Paradela, o seu nome e apelidos e o número do documento nacional de identidade.

As actuacións inspectoras realizaranse en presencia do titular das instalacións. No caso de persoas xurídicas, considerarase o seu representante a quien legalmente ostente dita condición. No caso de ausencia do titular ou representante, as actuacións entenderanse con calquera persona presente nas instalacións, facendo constar a súa vinculación con elas. Non será obstáculo para a realización das actuacións a negativa ou imposibilidade do titular ou representante de estar presente durante a súa práctica, sempre que así se faga constar nas actuacións que documenten a inspección.

O interesado está obrigado a permitir o acceso do persoal inspector ás instalacións, a toma de mostras e medicións e a suministrar a información que se lle requira en relación cos feitos inspeccionados.

No caso de obstaculización das actividades inspectoras, o inspector o fará constar así e poderá proceder á toma de mostras de augas residuais desde o exterior do recinto das instalacións, ou ben poderá desistir delo.

### **Artigo 23.- Documentación das actuacións inspectoras.**

As actuacións inspectoras documentaranse nunha acta, na que constarán como mínimo os datos indicados no anexo IV da presente ordenanza, e na que tanto o inspector como o interesado poderán facer constar as observacións que consideren oportunas.

No caso de que o comparecente se negue a asinar a acta ou a recibir a mostra contradictoria, o inspector o fará constar así, autorizando a acta coa súa sinatura e entregando unha copia ao interesado, deixando igualmente constancia no caso de que este se negara a recibila.

Os feitos constatados nas actas terán valor probatorio, cos efectos previstos na vixente normativa xeral de procedemento administrativo.

No caso de que o levantamento ou sinatura da acta se produzan sen a presenza do titular ou representante do establecemento productor da vertedura, notificaráselle o documento aos efectos de que poidan presentar cantas alegacións e probas consideren convintes no prazo de dez días.

### **Artigo 24.- Toma de mostras.**

A toma de mostras de augas residuais levarase a cabo de acordo co seguinte procedemento:

- Punto de toma de muestras. A muestra tomarse da arqueta de rexistro, se existe, ou no seu defecto no último punto accesible de saída das augas residuais das instalacións de producción ou tratamento, previo á incorporación ás redes de saneamento e a calquera dilución.
- Preparación da muestra. Para a obtención da muestra tomarse nun recipiente unha cantidade de efluente suficiente para poder dividila en tres submuestras en senlos recipientes de material axeitado ás determinacións analíticas que se vaian realizar. Os recipientes enxaugaranse previamente co mesmo efluente obxecto da mostraxe.
- As muestras así obtidas precintaranse e identificaranse, quedando dúas en poder do inspector, a primeira para efectuar as determinacións analíticas e a segunda para a práctica dunha eventual análise dirimente, e a terceira ofrecerase ao interesado, aos efectos de que poida proceder, se o estima oportuno, á práctica da análise contradictoria.
- A natureza dos envases, a súas condicións de preservación, así como os métodos analíticos dos diferentes parámetros serán os que figuran no anexo V da presente ordenanza.
- Poderá prescindirse da toma de muestras para determinar as súas características contaminantes cando se trate de verteduras de natureza inequívocamente doméstica ou gandeira que non dispoña de tratamiento e o persoal inspector así o faga constar expresamente na acta, indicando, no caso de verteduras gandeiras, a especie animal á que pertencen.

### **Artigo 25.- Práctica das análises.**

Para a práctica da análise inicial e do contradictorio deberá entregarse ao laboratorio de que se trate a muestra correspondente, debidamente conservada a



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01 / 96  
Fax: 982 54 12 32 / 07  
E-mail: concello.paradela@eidolocal.es

temperatura non superior a 4 graos centígrados, no prazo máximo de 72 horas desde a toma de mostras, aos efectos de iniciar o procedemento de análise nese prazo.

As determinacións analíticas da mostra inicial e da contraditoria levaranse a cabo en entidades colaboradoras da Administración debidamente acreditadas, ou ben en laboratorios de recoñecida solvencia contratados polo Concello.

O laboratorio ao que se encargara a práctica da análise inicial deberá entregar os resultados ao Concello no prazo de vinte días naturais dende o depósito da mostra, proceden o este a comunicalos de xeito inmediato ao interesado.

A folla de resultados analíticos, tanto na análise inicial como na contraditoria, expresará en todo caso a data de recepción da mostra, de inicio e de remate da análise, así como os métodos analíticos empregados. No seu caso, farase constar igualmente o estado de conservación da mostra á súa chegada ao laboratorio.

Pola súa parte, o interesado deberá comunicar ao Concello os resultados da análise contraditoria en canto dispoña deles.

A práctica da análise dirimente, a solicitude de calquera das partes, levarase a cabo no Laboratorio de Medio Ambiente de Galicia, creado por Decreto 164/1999, sempre que este dispoña de capacidade técnica e de persoal para analizar os parámetros de que se trate. No caso de non dispoñer dos medios necesarios, o Concello designará outro laboratorio para a realización do ensaio dirimente. Námbolos dous casos, a Administración xestora comunicará ao interesado con antelación suficiente o lugar, data e hora onde se levará a cabo, aos efectos de que poida estar presente nas operacións, asistido, se o estima oportuno, de persoal técnico. En ningún caso tomarase en consideración a petición de análise dirimente transcorridos dous meses desde a data da toma de mostras.

Os gastos xerados pola práctica da análise contraditoria irán sempre a cargo do interesado. Os gastos da análise dirimente irán a cargo do Concello de Paradela ou do interesado, respectivamente, en función de que os seus resultados confirmen os obtidos na análise contraditoria ou ben a orixinalmente practicada pola Administración.

## CAPÍTULO IV. RÉXIME DE INFRACCIONES E SANCIÓNNS

### Artigo 26.- Infraccións

Consideranse *infraccións de carácter leve*:

- A vertedura ao sistema de depuración ou de saneamento de augas residuais de natureza doméstica sen contar coa autorización regulada polo artigo 7, ou sen respetar as características das acometidas.
- O incumprimento das condicións establecidas no permiso de vertedura, sempre que non se causen danos ao sistema público de depuración ou de saneamento, ou ben cando estes danos non superen os 3.005,06 euros.
- As accións e omisións das que se deriven danos ou perdas para a integridade ou o funcionamento do sistema público de depuración ou de saneamento inferiores a 3.005,06 euros.

- A obstaculización das funcións de inspección, vixiancia e control que leve a cabo a Administración, a desobediencia aos seus requerimentos de información ou en relación coa adecuación de verteduras ou instalacións ás condicións regulamentarias.
- Calquera incumprimento das obrigas do conxunto normativo de regulación do servizo que non teña atribuído outra calificación.

Consideranse *infraccións graves*:

- A vertedura ao sistema de depuración ou de saneamento de augas residuais de natureza distinta á doméstica sen contar co permiso correspondente.
- A realización de verteduras das sustancias prohibidas relacionadas no anexo I desta ordenanza.
- O incumprimento das condicións establecidas no permiso de vertedura, sempre que se causen danos ao sistema público de depuración ou de saneamento superiores a 3.005,06 euros e ata 15.025,30 euros.
- As accións e omisións das que se deriven danos ou perdas para a integridade ou o funcionamento do sistema público de depuración ou de saneamento superiores a 3.005,06 euros e ata 15.025,30 euros.
- A ocultación ou falsificación de datos determinantes para o outorgamento do permiso de vertedura.
- A falla de comunicación das situacións de emergencia ou perigo, ou o incumprimento das ordes da administración municipal derivadas de situacións de perigo ou emergencia.
- A reincidencia na comisión de dúas ou máis infraccións leves no período dun ano.

Consideranse *infraccións moi graves*:

- Calquera conducta indicada no apartado 2 da que se deriven danos ou perdas para o sistema de depuración ou de saneamento superiores a 15.025,30 euros.
- O incumprimento das ordes de suspensión de verteduras non permitidas.
- A reincidencia na comisión de dúas ou máis infraccións graves no período dun ano.

### **Artigo 27.- Sancións**

As infraccións tipificadas no artigo anterior serán sancionadas coas seguintes multas:

- Infraccións leves: multa de ata 750,00 euros.
- Infraccións graves: multa entre 750,01 e 1.500,00 euros.
- Infraccións moi graves: multa entre 1.500,01 e 3.000,00 euros.

As sancións graduaranse en función da reincidencia do infractor, da súa intencionalidade, do beneficio obtido e da afección producida ao sistema de depuración ou de saneamento, ou á calidade do medio receptor.



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01 / 96  
Fax: 982 54 12 32 / 07  
E-mail: concello.paradela@eidolocal.es

### Artigo 28.- Órganos competentes

O Alcalde-Presidente é o órgano competente para sancionar as infraccións leves e graves, sendo competencia do Pleno a sanción das infraccións moi graves.

En todo caso, corresponde a incoación dos expedientes ao Alcalde-Presidente ou, no seu caso e previa delegación, ao Concelleiro competente na materia.

### Artigo 29.- Procedemento

O procedemento para a tramitación dos expedientes será o previsto na vixente normativa xeral de procedemento administrativo común.

Serán sancionadas pola comisión de infraccións as persoas físicas e xurídicas que resulten responsables delas á título de mera inobservancia.

Con independencia da sanción que se lles impoña, os infractores serán obrigados a reparar o dano causado, podendo o Concello de Paradela, se procede, exercitar as facultades de execución subsidiaria previstas na Lei.

Os prazos de prescripción das infraccións e das sancións serán os previstos na vixente normativa xeral de procedemento administrativo común.

O prazo para a resolución dos expedientes sancionadores será dun ano, que se contará desde a súa incoación.

### Artigo 30.- Medidas cautelares

O órgano competente para incoar os expedientes poderá adoptar as medidas seguintes:

- Ordear a suspensión provisional dos traballos de execución de obras ou instalacións que contradigan as disposicións desta ordenanza ou sexan indebidamente realizados.
- Requerir ao usuario para que, no prazo que se lle indique, introduza as medidas técnicas necesarias que garantan o cumprimento das prescripcións desta ordenanza.
- Ordear ao usuario que, no prazo que se lle fixe, introduza nas obras ou instalacións realizadas as rectificacións precisas para axustalas ás condicións do permiso de vertedura ou ás disposicións desta ordenanza.
- Ordear ao usuario que, no prazo que se lle indique, proceda á reparación e reposición das obras e instalacións ao seu estado anterior e á demolición do que fora indebidamente construído ou instalado.
- Impedir os usos indebidos das instalacións para o que non se teña obtido permiso, ou cando non se axusten ao seu contido ou ás disposicións desta ordenanza.

- Ordear a clausura ou precintado das instalacións de vertedura en caso de que non sexa posible técnicamente ou económicoamente evitar o dano mediante as oportunas medidas correctoras.

As medidas relacionadas no apartado anterior poden ser adoptadas, con carácter de cautelares e a reserva da resolución definitiva que se adopte no expediente, simultáneamente á incoación do procedemento sancionador, ou ben en calquera momento da súa instrucción, e poden manterse de xeito continuado.

### **Artigo 31.- Valoración de danos**

A valoración dos danos ás obras hidráulicas aos efectos da aplicación do réxime sancionador a que se refiere o presente capítulo determinarase en función dos gastos de explotación e, no seu caso, de reposición de aquelas.

Os danos ás obras hidráulicas que conforman os sistemas de depuración e de saneamento calcularanse en euros/día, como resultado da ponderación do custo diario de explotación das instalacións públicas afectadas en relación co caudal e carga contaminante da vertedura de que se trate.

Os servizos competentes do Concello determinarán, de acordo cos orzamentos aprobados ao efecto e ás correspondentes certificacións, os gastos de explotación repercutibles ao responsable da vertedura de que se trate.

A valoración de danos que servirá de base para a calificación da infracción, para a cuantificación da sanción e, no seu caso, da indemnización que deba imponerse, resultará do cálculo a que se refiere o apartado segundo multiplicado polo número de días que se considere que a vertedura se mantivo en situación irregular.

Aos efectos do disposto no apartado anterior, computaranse os gastos correspondentes a todo o período no que a instalación pública de saneamento ou de depuración de augas residuais quedara afectada pola vertedura irregular, aínda que este fora de carácter puntual. En calquera caso, considerarase que a vertedura irregular se mantivo durante, alomenos, un día.

Nos supostos de verteduras que non dispoñan de tratamento e que deriven dunha actividade non ocasional, presumirase, salvo proba en contrario, que a calidade deles se mantén indefinidamente.

Asimesmo presumirase o mantemento da calidade da vertedura durante o período que medie entre dúas ou máis tomas de mostras consecutivas cuxos resultados amosen incumprimentos da normativa vixente ou dos límites impostos no correspondente permiso.

### **Disposición transitoria única.**

Os titulares de instalacións existentes á entrada en vigor desta ordenanza que deban obter o permiso de vertedura regulado nela, deberán instaloo ante o Concello de Paradela no prazo de DOUS ANOS a partir da devandita data.

### **Disposición final.**

Esta ordenanza entrará en vigor unha vez publicada no Boletín Oficial da Provincia e transcorrido o prazo previsto no art. 65.2 da Lei 7/1985, de 2 de abril.



## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01 / 96  
Fax: 982 54 12 32 / 07  
E-mail: concello.paradela@eidolocal.es

### ANEXO I: VERTEDURAS PROHIBIDAS

- a. Materias sólidas ou viscosas en cantidades ou tamaños tales que, por sí soas ou por integración con outras, produzan obstruccíons ou sedimentos que impidan o correcto funcionamento do sistema ou dificulten os traballos da súa conservación ou mantemento.
- b. Disolventes ou líquidos orgánicos inmiscibles en auga, combustibles ou inflamables.
- c. Aceites e graxas flotantes.
- d. Substancias sólidas potencialmente perigosas.
- e. Gases ou vapores combustibles ou inflamables, explosivos ou tóxicos ou procedentes de motores de explosión.
- f. Materias que, por razón da súa natureza, propiedades ou cantidades, por sí mesmas ou por integración con outras poidan orixinar:
  - g. Calquera tipo de molestia pública
  - h. A formación de misturas inflamables ou explosivas co aire
  - i. A creación de atmósferas molestas, insalubres, taoxicas ou perigosas que impidan ou dificulten o traballo do persoal encargado da inspección, limpeza, mantemento ou funcionamiento do sistema
  - j. Materias que, por sí mesmas ou a consecuencia de procesos ou reaccións que teñan lugar dentro da rede, teñan ou adquiran calquera propiedade corrosiva capaz de danar ou deteriorar os materiais do sistema ou perxudicar ao persoal encargado da súa limpeza e conservación.
  - k. Residuos de natureza radioactiva.
  - l. Residuos industriais ou comerciais que, polas súas concentracíons ou características tóxicas ou perigosas, requiran un tratamento específico ou un control periódico dos seus efectos nocivos potenciais.
  - m. Os que por sí mesmos ou a consecuencia de transformacíons químicas ou biolóxicas que se poidan producir na rede de sumidoiros, dean lugar a concentracíons de gases nocivos na atmósfera da rede de sumidoiros superiores aos seguintes límites: Dióxido de carbono: 15.000 ppm, Dióxido de xofre: 5 ppm, Monóxido de carbono: 25 ppm, Cloro: 1 ppm, Ácido sulfídrico: 10 ppm, Ácido cianhídrico: 4,5 ppm
  - n. - Residuos sanitarios definidos na vixente normativa nesta materia.
  - o. - Residuos procedentes de sistemas de pretratamento e de tratamiento de augas residuais
  - p. - Residuos de orixe pecuario

## **ANEXO IV.- CONTIDO DA ACTA DE INSPECCIÓN E OBRIGAS DA ADMINISTRACIÓN XESTORA**

1. As actas que documenten as actuacións inspectoras, indicadas no artigo 23 desta ordenanza, deberán incluir, como mínimo, a información seguinte:

Identificación da Administración xestora do sistema e do persoal actuario

Identificación e localización do suxeito pasivo da inspección, da actividade e dos sistemas de tratamiento de que dispoña

Ubicación e descripción do punto de toma de mostras, e do sistema en que se realiza a vertedura, incluíndo, se procede, o nome da EDAR

Caudal da vertedura (medido ou estimado), tipo de mostra (puntual ou integrada), e parámetros a analizar

Obrigas formais: constancia ou non de sinatura do interesado, da súa aceptación ou rexeitamenteo da mostra xemelga, e do libramento de copia da acta

2. O Concello de Paradela conservará copia destas dilixencias e dos seus resultados analíticos a disposición de Augas de Galicia.




## CONCELLO DE PARADELA

Rúa Cabaleiros de Santiago nº 15  
27611 Paradela  
Tfno: 982 54 11 01/96  
Fax: 982 54 12 32 / 07  
E-mail: concello.paradela@eidolocal.es

### ANEXO V.- CONDICIÓN S DE PRESERVACIÓN DE MOSTRAS E MÉTODOS ANALÍTICOS.

PARÁMETROS A ANALIZAR	TIPO DE ENVASE (1)	TÉCNICA DE PRESERVACIÓN (2)	VOLUME DE MOSTRA ORIENTATIVO OU RECOMENDADO (3)	METODO ANALÍTICO
Temperatura	Indiferente	A realizar in situ	-----	
PH	Indiferente	-----	-----	
Conductividade	Indiferente	Refrixeración	500 mL	
Sales Solubles	Indiferente	Refrixeración	500 mL	Norma Afnor T 90-111
Materias en Suspensión (MES)	Indiferente	Refrixeración	300 ML, podendo reducirse a maior concentración	Filtración en discos de fibra de vidrio (Norma UNE-EN 872) ou Centrifugación según Norma Afnor T 90-1054-2
Demanda Química de Osíxeno (DQO)	Indiferente (vidro no caso de valores baixos)	Acidificación ata pH<2 con H <sub>2</sub> SO <sub>4</sub> e refrixeración	100 mL	Método do Dicromato Potásico (Norma Afnor T 90-101) ou Norma UNE 77-004-89
Demanda Bioquímica de Osíxeno (DBO <sub>5</sub> )	Indiferente (vidro no caso de valores baixos)	Refrixeración	300 ML, podendo reducirse a maior concentración. En todo caso, recomendable enche-la totalidade do envase	
Aceites e graxas ou Hidrocarburos	Vidro de boca ancha	Acidificación ata pH<2 con H <sub>2</sub> SO <sub>4</sub> ou HCl	50 ml	
Materias inhibidoras	Vidro	Refrixerar ou conxelar en función do tempo de almacenamento previo a análise	En función do número e tipo de parámetro	Inhibición da luminiscencia de Vidrio fischeri (Norma UNE-EN-ISO 11348-3) ou inhibición da movilidade dde Daphnia Magna-Strauss (Norma UNE-EN-ISO6341)
Resto de parámetros (N-NH <sub>4</sub> , NTK, N-NO <sub>3</sub> , N-NO <sub>2</sub> ,	Indiferente	Refrixeración	En función do número e tipo de parámetro	
SO <sub>4</sub> <sup>2-</sup> , etc, excepto os descritos a continuación				
Cianuros	Indiferente	Adición de NaOH ata pH>12, refrigeración na	1 L	

		oscuridade		
Fosfato	Vidro	Refrigeración	100 ml	
<b>Fósforo total</b>	<b>Vidro</b>	<b>Refrigeración</b>	<b>100 ml</b>	
Cor	Indiferente	Refrigeración	500 ml	
Cloruros	Indiferente	-----	50 ml	
Fluoruros	Plástico	-----	100 ml	
Metais pesados (excepto mercurio e Cr VI)	Plástico ou Vidro lavado con H <sub>2</sub> NO <sub>3</sub>	Acidificación ata pH<2 con H <sub>2</sub> NO <sub>3</sub>	100 ml, por metal	Última versión da Norma UNE-EN-ISO correspondente a cada metal. Especificamente, UNE-EN-ISO 5961 para Cadmio e UNE-EN-ISO 1233 para Cromo
Mercurio	Plástico ou vidro lavado con H <sub>2</sub> NO <sub>3</sub>	Acidificación ata pH<2 con H <sub>2</sub> NO <sub>3</sub> e refrigeración a 4 °C	100 ml	Norma UNE-EN 1483
Cr VI	Indiferente	Refrixerante	100 ml	
Sulfuros	Plastico ou Vidro	Refrigeración e adición de 4 gotas de Acetato de Zn 2N/100 ml de mostra e NaOH ata Ph>9	100 ml	
Fenois	Indiferente	Refrigerar e acidificar ata pH <2 con H <sub>2</sub> SO <sub>4</sub>	500 ml	
Microbioloxía	Plastico ou vidro estéril	Refrixeración	1 L., sin encher completamente e abrindo o envase baixo a auga	
Pesticidas	Vidro lavado con solventes orgánicos e tapón de vidro ou teflón	Refrigeración, adición de 1 g/L de ácido ascórbico si existe cloro residual	1 L	
Copostos volátiles: disolventes clorados e/ou BTEX e disolventes non clorados	Vidro (tapón de vidro ou teflón)	En xeral, refrigeración e acidificación ata Ph<2 con HCL, ainda que as particularidades para cada composto haberán de consultarse o laboratorio onde se realizará a analítica	100 ml, enchendo completamente o envase	

Paradela, 20 de maio de 2013  
  
 O ALCALDE

Asdo.: José Manuel Mato Díaz